

Tarraidh tuiseal tír Luighdheach

[Text below from RIA 5 (23/D/4), p. 185-9; published with translation in J. O'Donovan, *Miscellany of the Celtic Society* (1849), 340-51]

Tadg mac Diarmoda Oig [Uí Dhálaigh cecinit]

1 Tarraidh tuisiol tír Luigh[dh]each  
eang na siosdadh saorbhuigneach  
críoch lochbhán na long ccogthach  
tróm an tochrádh tháradar.

2 Re a cobhnuidh ag teacht as-teach  
tuisil tróm tíre Luíghdheach  
rug a anbhuaín uirre sin  
troime a n-amhluaigh dho fhoillsigh.

3 An chríoch ag clos a neimh(e)sgeoil  
caitheamh aoisi í Eidirsgoil  
cúis teadhma don bhreicmhín bhuig  
re seintír Teamhra tánuig.

4 Ba torrach an úir iodhan  
don rosg a-ta ar ttemlioghadh  
ba faon[crom?] a bhfonn na sean  
an coll caomhchorr ad-chifead[h].

5 Mairg oireacht uil 'ga deagsoin  
an troig a-tá anea[s]guig  
garr o budh easguidh isi  
deagshoin ceann a críche-se.

6 [F]a moc[h] d'iarruidh an airm thruim  
an lámh ór leath a luaghuill  
[ní do] mhúch muirn na n-oireacht  
[lúth] an duirn ar deorúigheacht

7 An teanga cheannsa ad-chluinim  
a-[tá a] tteirce uruighill  
briathar choirpshlím nír ch[an so]in  
ba foirtill tan a tteangthuibh.

8 An chluas nach fuil da bhfaire [186]  
sleasa caomha Cothluidhe  
fuinn corra na ccreatlong sean  
leathrom orra ní eisdfeadh.

9 Claochlódh a chéadfudh sin  
do loit an fonn-soin Finghin  
clár slím na n-eachtbhrug n-einidh

rinn a ccéadfudh ceilfidhear.

10 [R]aibhthe an bháis 'ga bhois cheóluidh  
séan an oireir isleóchuidh  
do sgé caoine (da) 'ga cridhe  
tre caoile ré an ridire.

11 Trom an easbuidh d'iath Lughuidh  
sogh meanman mheic Conchubhair  
a oighre a n-easbudh an fhuinn  
ní doilghe easbudh oruinn.

12 Fithe bliaghan barr re chois  
a-tá a chúl re chrích ndúthchais  
mac Finghin ag faghail reann  
nar thomhuil fínfhleigh nÉireann.

13 Da roiseadh a rinn Mumhan  
dearbh go ccuirfeadh Conchubhar  
gleó na n-eathar airmthriall creach  
tár ghairbhthrian leathan Luighdheach.

14 Ionnramh a fhearuin cairte  
cosnamh críche a chlanmhaicne  
ar an (n)eachtra do-ní a-niogh  
ní budh deacra do dhéanamh.

15 Ar moing fhraochdha an mhara mir [187]  
tarraidh mac f(h)eithmheach Finghin  
anbhuaín ba teo san Turcuidh  
a ngleo an armshluaig iongantuidh.

16 Teora long 'ga leacain ghloin  
caoga long a lucht cogaidh  
faicsin mharcuid mhuighe Céin  
nir altuig duine díbh-séin.

17 A tTurcuid na ccraobh cciníl  
long mhiolla mhic Eibhilín  
ba he ríán a thochtchlar thoir  
triall tré chorplár an chobhluidh.

18 Loingeas comhlán an chalaidh  
níor smuain croidhe Conchubhair  
a bhreaclong da seachna sin  
leathrom deabhtha don deóruigh.

19 Do dhíridh an loing leabhuir  
ar an ngasra ngráineamhuil  
gleo a lonnchon is na loingsibh

fromhthar leo don láthuir-soin.

20 Do lámh fheinnidh fhóid Uisnidh  
do thuit ceann an chobhluigh-sin  
cath tar bhreis a saoirfhear soin  
do sraoinidh leis an lá-soin.

21 Do chothuigh aimsear oile  
d'feadhmannuibh a iorghuile  
ar chathuighe an ghealfhuinn ghlais  
machaire bhfleaghuill bhFlondruis.

22 Cuairt roithe da réim deighsgeoil [188]  
do chuir oighre í Eidirsgeóil  
fán Almáin sídh cionn a ccionn  
marbhgháir as tír 'na thimcheall.

23 Maith linn a leabhruibh na sgol  
neach do rioghacht ríogh Saxsan  
fuair an ghairm 'na gairm taibhsigh  
do thuair ainm sna heachtuibh-si.

24 Mairg tír o tteasda a c(h)abhair  
lámh dhearg coscrach Conchubhair  
mairg sealbhfhonn fhuil 'na heasbaidh  
troigh na bhfeadhmann bhfuileach-sin.

25 Nír fhuathuidh a fholt doireach  
siobhal chaluidhe ccomhuightheach  
dóigh as a ucht d'foghluidh sinn  
ní shamhluidh ucht ar Eirinn.

26 An mac a muidh ón oireacht  
an t-athair a n-arsuigheacht  
fáth croghuil 'gun crích-sin tíar  
do dhíonuigh mórfhuil Mhaicniadh.

27 Mac Eibhilín na ttreas tte  
fuair roichion rí[ogh] na Spainne  
biaidh forghráin da bhriogh a-bhos  
a cconnmháil do shíor shealbhos.

28 Do thogh an rí tuigseach thall  
neach do thurnfadh tréan eachtrann  
Conchubhar an té do thog[h]  
urchubhall é fán eangnomh.

29 Mac Siobhán sliocht na ccuradh [189]  
glas ar oirbheart iarMhumhan  
an tslat 'sa ghaois fa ghort bhFloinn

san aois ag teacht tar teorunn.

30 Tairnig feardhacht a fhir ghráidh  
cian uaithi meanma an mhacáimh  
conchlann 'gun n-eing-si ní fhuil  
rothrom an teidhm-si tarraigh. Tarraigh

31 Le rugadh an rí néamhdha  
an Ógh iochtmhar oirea[gh]dha  
lacht a cíche do chaith sin  
ar maith is trithe tarraig. Tarraigh

32 Fiodhradh chochlach na craoibhe  
do dháil disi a deagmhaoine  
a tairthi mar an ccraoibh cciníl  
do sgaoil aithfe d'Eibhilín.

33 Diorma súadh a Snámh Da Éan  
ag buain cruaidh d'inghin Oiléan  
an sgol on Líne loingsig  
tighe a crodh ón Charrthuigh-sin

34 Rath na féile dháileas dhi  
ríar a mbí ar fheadh gach n-oighthe  
um shuainfhleidh an dúin daoinigh  
'gun tsaibhnigh úir fhorbhaoiligh. TARRAIDH // TUISIOL // TIR // LUIGHDHEACH